

Xuño 2018.



Dúas alumnas do CEIP San Martiño, co seu experimento do aparato circulatorio.

PRETO DE 500 ESCOLARES DEMOSTRAN AS SÚAS DOTES CIENTÍFICAS EN PONTENCIENCIA.

Eduardo Muñiz DUVI Pontevedra 01/06/2018

O estudo sobre o proceso de descomposición das follas, realizado por alumnado do CEIP Froebel, a análise dos datos de peso, altura e índice de masa corporal que estudantes do CEIP Vilaverde realizaron dos seus 300 compañeiros e compañeiras co propósito de poñelo en relación co tipo de alimentos que compoñen as súas merendas, xunto aos experimentos realizados polos nenos e nenas do CEIP Sagrado Corazón de Placeres sobre como o aumento da temperatura ambiente inflúe na temperatura do mar ou o estudo sobre o proceso de conservación dos alimentos do CEIP Marcón. [+Info](#)



Imaxe das corredoras e corredores na anterior edición celebrada en Monteferro, Nigrán.

MÁIS DE 300 CORREDORAS E CORREDORES DARANSE CITA ESTE SÁBADO NO CAMPUS

D. Besadío DUVI 04/06/2018

Máis de 300 corredoras e corredores procedentes de toda Galicia daranse cita este sábado no campus no XVII Trofeo Universidade de Vigo de Orientación, unha cita organizada pola sección deportiva de Carreiras de Orientación da Universidade de Vigo e a federación galega, xa que a proba é puntuable para a XXVII liga galega 2018. Hai inscritas e inscritos de todas as idades, a inmensa maioría persoas federadas, pero tamén moita xente afeccionada que optou por participar nas dúas categorías creadas expresamente para eles: iniciación curta ou iniciación longa. [+Info](#)



O prazo remata o 29 de xuño.

AS BOLSAS OURENSE EXTERIOR BUSCAN CINCO RESIDENTES NO ESTRANXEIRO INTERESADOS EN FACER ESTUDOS DE MESTRADO NO CAMPUS

DUVI Ourense 05/06/2018

Froito da colaboración entre a Universidade de Vigo, o Consello Social da Universidade de Vigo e a Deputación de Ourense vén de abrirse unha nova edición da convocatoria de [Bolsas Ourense Exterior](#). Nesta ocasión son cinco as prazas que se ofrecen para que residentes no estranxeiro poidan realizar un mestrado no campus de Ourense. As bolsas cobren as taxas de matrícula; unha axuda de 600 euros para gastos de viaxe e outra de 2500 euros para gastos de aloxamento. [+Info](#)



Un intre da inauguración de "Actitud". Foto: Apprentice Master.

O ALUMNADO DE BELAS ARTES PROXÉCTASE EN HOLANDA CON ACTITUDE

DUVI Pontevedra 06/06/2018

Actitud, en castelán, é o título da exposición colectiva que nestas semanas pode verse no espazo Expoplú da cidade holandesa de Nijmegen e que reúne as creacións de dous estudantes da Facultade de Belas Artes, Ana Pérez Valdés e Brais Romero, xunto a obras das holandesas Danielle Lemaire e Kayleigh Smetsers e da finesa Henna Nerg. Trátase dunha das exposicións xurdidas da última edición do encontro internacional *Apprentice Master*, que o pasado mes de outubro reuniu en Holanda a estudantes de universidades e escolas de arte de diferentes países europeos e no que a Universidade de Vigo, volveu ser a única representante española. [+Info](#)


ESDEMGa EXHIBE O SEU TALENTO NUNHA DAS CAPITALS MUNDIAIS DA MODA

Eduardo Muñiz DUVI Pontevedra 07/06/2018

51 universidades e escolas de moda de 21 países estiveron representadas este mércores na pasarela internacional da 27 edición da [Graduate Fashion Week](#), o evento no que máis dun milleiro de estudantes e graduados e graduadas das principais universidades e escolas británicas presentan os seus proxectos e que se completa cun desfile internacional na que a Universidade de Vigo volveu ser, por segundo ano consecutivo, a única representante española. [+Info](#)



Esdemga estivo representada neste evento pola colección gañadora de Debut 2017.



As e os autores: Eva M^a Castro, M^o Cristina Rodríguez, Xosé-Henrique Costas, Antonio Vaamonde, Ricardo Luaces, Patricio Sánchez e Paulo Cabral.

O AUMENTO DO DOMINIO DO GALEGO ENTRE A COMUNIDADE UNIVERSITARIA É MAIOR CA O INCREMENTO DO SEU USO

DUVI 05/06/2018

Todos os datos debuxan unha situación de vulnerabilidade da lingua galega cun proceso constante de perda de persoas monolingües, un incremento progresivo do bilingüismo e unha continua substitución polo castelán. Pero a contorna universitaria presenta unhas características propias, derivadas da idade e da formación dos seus membros, que require dunha análise propia. [+Info](#)

3



José María failde e Laura Ruiz.

UN PROXECTO AFONDRÁ NO POTENCIAL DA EDUCACIÓN SOCIAL NO SECTOR DA TERCEIRA IDADE

Rosa Tedín DUVI Ourense 07/06/2018

A convocatoria da segunda bolsa de investigación sobre a terceira idade, realizada pola Fundación Dorzán no marco dun convenio de colaboración coa Universidade de Vigo, xa ten proxecto gañador. Trátase do estudo *Presencia e potencialidades da educación social no ámbito da intervención con persoas maiores*, promovido polos membros do Grupo PT1 Psicoloxía da Saúde José María Faílde, profesor titular da Facultade de Ciencias da Educación do campus de Ourense, e Laura Ruiz, investigadora predoutoral. Dotada con 1500 euros, a bolsa permitirá o desenvolvemento do proxecto ao longo de 2018. [+Info](#)



O Museo do Mar acolle o workshop da Rede de Excelcia de Estudos Xurídicos Marítimos.

AS LIÑAS ESTRATÉXICAS DO CRECEMENTO AZUL CENTRAN DESDE HOXE AS IV XORNADAS INTERNACIONAIS REDEXMAR

M^a del Carmen Echevarría DUVI 07/06/2018

40 académicas e académicos, procedentes de universidades de España, Francia, Reino Unido, Bélxica, Romanía e Venezuela, especializados en diversos aspectos da regulación do Dereito do Mar, participan hoxe en mañá no Museo de Mar en Vigo nas [IV Xornadas Internacionais Redexmar](#). Baixo o título *Estratexia Blue Growth e o Dereito do Mar*, as e os especialistas en Dereito Internacional Público, Dereito Internacional Privado e Dereito do Traballo e da Seguridade Social, abordarán “diversos tópicos relativos ao Dereito do Mar [+Info](#)



I Open de Marcha Nórdica Campus da Auga-Cidade de Ourense.

O I OPEN DE MARCHA NÓRDICA CAMPUS DA AUGA-CIDADE DE OURENSE REUNIU A 60 PARTICIPANTES

DUVI Ourense 11/06/2018

Esta fin de semana foron dúas as principais citas deportivas nas que participou dun ou doutro xeito o campus de Ourense. Por unha banda, o domingo as pistas de atletismo universitarias acolleron a celebración do I Open de Marcha Nórdica Campus da Auga-Cidade de Ourense, que reuniu a arredor de 60 persoas. Por outra banda, no marco da travesía Encoro Os Peares, Susana Reboreda e Baltasar García, do Club Natación Escualos, fixéronse co ITrofeo Campus da Auga de natación. [+Info.](#)



Unha das imaxes tomadas polo grupo Sepcom da solta realizada en Estacas.

O USO DE DRONES PERMITIRÁ AVALIAR OS EFECTOS DUNHA MANDA DE CABALOS GALEGOS DO MONTE SOBRE A BIOMASA

Eduardo Muñiz DUVI Pontevedra 12/06/2018

Doce exemplares de cabalo galego do monte, un macho, nove eguas e dous poldros, doados por gandeiros e propietarios forestais do municipio de Cerdedo-Cotobade, foron trasladados e soltados na tarde do luns nunha parcela pechada de 100 hectáreas xestionada pola Comunidade de Montes Veciñais en Man Común de Estacas, no concello de Fornelos de Montes. Esta solta insírese nas actividades derivadas do proxecto de investigación *Estudo e conservación do Cabalo Galego do Monte a través de acordos de custodia do territorio*, [+Info.](#)



Foto de familia de organizadores, patrocinadores e participantes en anteriores edicións do Pont_up Store.

TECNOLOXÍA, COMPETENCIAS DIXITAIS E VIDEOXOGOS CENTRARÁN A QUINTA EDICIÓN DO PONT-UP STORE

DUVI Pontevedra 12/06/2018

Talento transformador é o lema da quinta edición do [Pont-Up Store](#), o encontro de emprendemento que promove a Vicerreitoría do campus, a través do Campus Crea S2i, co Concello como patrocinador principal e que os días 21 e 22 de setembro converterá de novo Pontevedra nun escaparate para os novos emprendedores e emprendedoras. A tecnoloxía, as competencias dixitais e os videoxogos serán tres dos eixos do programa de actividades dun encontro que ata o 8 de xullo mantén aberto o prazo de presentación de candidaturas para que emprendedores e emprendedoras poidan dar a coñecer os seus produtos e servizos nas tres modalidades de participación. [+Info.](#)



O profesorado da EE Forestal, xunto aos representantes da Universidade de Ciencias Aplicadas de Salzburgo.

A EE FORESTAL BUSCA EN ALEMAÑA E AUSTRIA IDEAS COAS QUE MELLORAR A SÚA TITULACIÓN

Eduardo Muñiz DUVI Pontevedra 13/06/2018

Ampliar os contidos formativos que integran a especialidade de industrias da madeira do grao en Enxeñaría Forestal e fomentar así mesmo a mobilidade do alumnado a universidades que, en materia de transformación química e mecánica da madeira, “atópanse entre as mellores de Europa”, son os dous obxectivos que levaron ao director da EE Forestal, Juan Picos, e á subdirectora, Ángeles Cancela, ata as universidades de ciencias aplicadas de Rosenheim (Alemaña) e Salzburgo (Austria). [+Info.](#)



Equipo de profesorado encargado do novo máster.

NOVO MÁSTER PARA FORMAR ESPECIALISTAS EN XESTIÓN AMBIENTAL NOS PRINCIPAIS SECTORES INDUSTRIAIS DE GALICIA

D. Besadío DUVI 13/06/2018

Dotar ao tecido empresarial galego de persoal con formación superior que poida xestionar e coordinar todas as actividades no ámbito medioambiental nas instalacións industriais e facelo dentro dun marco legal cada vez máis responsable coa contorna, a saúde pública e os ecosistemas. Este é o obxectivo co que nace o [Máster en Xestión Ambiental da Industria](#), unha nova proposta formativa que nace na Escola de Enxeñaría Industrial froito da unión entre profesores e investigadores de diferentes ámbitos e profesionais con experiencia en medio ambiente e xestión ambiental dos principais sectores industriais de Galicia. [+Info.](#)



Imaxe da visita.

UNHA DELEGACIÓN DA GRAND VALLEY STATE UNIVERSITY ACHÉGASE A COÑECER AS INSTALACIÓNS DEPORTIVAS DO CAMPUS

DUVI Ourense 14/06/2018

Na axenda da Área de Benestar, Saúde e Deporte da Universidade de Vigo no campus de Ourense estivo esta semana a visita dunha delegación da Grand Valley State University para coñecer as instalacións deportivas universitarias e a celebración dunha clase maxistral de bicicleta estática coa que se pechou as actividades dirixidas que se impartiron este curso académico. [+Info.](#)



Este xoves presentou na Coruña o seu Anuario 2018.

O FORO ECONÓMICO ADVIRTE DO “CRECEMENTO PERO CON PRECARIIDADES” DE GALICIA

DUVI Ourense 14/06/2018

O Foro Económico de Galicia, coordinado desde o campus de Ourense polo Grupo Gen da Universidade de Vigo, presentou este xoves na Coruña o seu [Anuario 2018](#). Editado polo xornalista José Luis Gómez, o documento “afonda nos grandes asuntos económicos de Galicia e a súa contorna con achegas de profesores das tres universidades galegas”. Nel ponse de manifesto como “hai crecemento pero con precariedades”. [+Info.](#)

6



Unha exposición reúne obras de artistas españois e italianos en torno a Metamorfoses de Ovidio.

UNHA EXPOSICIÓN REÚNE OBRAS DE ARTISTAS ESPAÑOIS E ITALIANOS EN TORNO ÁS METAMORFOSES DE OVIDIO

Eduardo Muñiz DUVI Pontevedra 14/06/2018

Un dos mitos recollidos polo poeta Ovidio na súa obra *Metamorfoses* relata como o deus Baco foi secuestrado por un grupo de piratas que non o recoñeceron e como este deus como castigo os transforma en golfinhos, coa excepción de Acetes, que si se decatara de quen era e tentara disuadir aos seus compañeiros. Este é o fío condutor de *La existencia de Acetes*, a exposición comisariada polo italiano Stefano Spairani Righi que ata o 30 de xuño pode visitarse na Casa das Campás e que reúne obras de sete artistas españois e italianos. [+Info.](#)



O Pazo Provincial acolleu a presentación desta cartografía.

A EE FORESTAL ELABORA UNHA CARTOGRAFÍA DOS INCENDIOS DE OUTUBRO DE 2017 NA PROVINCIA DE PONTEVEDRA

Eduardo Muñiz DUVI Pontevedra 14/06/2018

Partindo das fotografías aéreas que achega a constelación de satélites Sentinel, do programa da Axencia Espacial Europea Copernicus, investigadoras e investigadores da Escola de Enxeñaría Forestal realizaron unha cartografía das zonas afectadas pola vaga de lumes de outubro de 2017 na provincia de Pontevedra que servirá como “documento de base” no traballo que, ao abeiro do convenio asinado entre a Universidade de Vigo e a Deputación Provincial, levará a un panel de expertos de diferentes países a definir unha serie de directrices e recomendacións para a prevención dos lumes e mitigación das súas consecuencias. [+Info.](#)



A conferencia foi impartida polo catedrático da Universidade de Vigo Emilio Rolán.

O POLIMORFISMO DE COR NO CARACOL MARIÑO 'LITTORINA FABALIS', NUNHA NOVA SESIÓN DO CAFÉ CON SAL

DUVI 14/06/2018

Tras varias sesións no Edificio de Ciencias Experimentais do campus de Vigo, o ciclo de conferencias e divulgación científica Café con Sal regresou este xoves á Estación de Ciencias Mariñas de Toralla. O protagonista desta nova cita foi o catedrático de Xenética da Universidade de Vigo Emilio Rolán que afondou nos procesos biolóxicos responsables dun polimorfismo extremo de cor na concha do caracol mariño do intermareal *Littorina fabalis*. [+Info.](#)



Xavier Labandeira, primeiro pola dereita e Carlos de Miguel, primeiro pola esquerda na 7ª edición workshop..

O ATLANTIC WORKSHOP ON ENERGY AND ENVIRONMENTAL ECONOMICS ACADA A SÚA OITAVA EDICIÓN CON PRETO DE 60 PARTICIPANTES

Mª del Carmen Echevarría DUVI 14/06/2018

Economistas académicos, investigadores e estudantes de doutoramento que traballan en cuestións enerxéticas e ambientais, participarán os días 21 e 22 de xuño na oitava edición do [Atlantic Workshop on Energy and Environmental Economics](#) (AWEEE), que se celebrará na Toxa. Organizadas por Economics for Energy, as sesións reunirán arredor de 60 especialistas. [+Info.](#)



Imaxe da presentación este venres da cita.

O CAMPUS ACOLLE O TORNEO INTERNACIONAL DE RUGBY SUB-14

Rosa Tedín DUVI Ourense 15/06/2018

Este sábado, 16 de xuño, as instalacións deportivas do campus de Ourense acollerán a celebración do Torneo Internacional de Rugby Sub-14, unha cita organizada polo Campus Universitario Ourense de rugby. A iniciativa enmárcase na liña de traballo deste club de fomento da práctica deste deporte entre as xeracións máis novas. A competición, de acceso libre ás persoas interesadas, comezará ás 12.30 h e consistirá nun triangular entre os equipos Rugby Club l'Hospitalet, de Barcelona; Braga Rugby, de Portugal, e o propio Campus Universitario Ourense. [+Info.](#)



A cita terá lugar os días 30 de xuño e 1 de xullo.

O V TORNEO INTERNACIONAL DE XADREZ SERÁ DE PARTIDAS RÁPIDAS E LÓSTREGO

Rosa Tedín DUVI Ourense 19/06/2018

O campus de Ourense presentou este martes o que será o [V Torneo Internacional de Xadrez Campus de Ourense](#), unha cita que se presenta renovada en formato co obxectivo de ser máis dinámica e participativa. Nesta edición, a competición, que se desenvolverá os días 30 de xuño e 1 de xullo no pavillón de deportes universitario, contará con dúas modalidades de xadrez, as modalidades rápida e lóstrego. [+Info.](#)



A profesora norteamericana foi investida este mércores doutora honoris causa.

A MÁIS ALTA DISTINCIÓN DA UNIVERSIDADE PARA JACQUELYN C. CAMPBELL, PARA O FEMINISMO

Rosa Tedín DUVI Ourense 20/06/2018

Unha muller e unha muller feminista pioneira nos estudos de xénero e considerada na actualidade unha das máis sobresaíntes académicas no escenario internacional en materia de violencia contra a muller, especialmente nas relacións de parella. Jacquelyn C. Campbell, profesora da Universidade Johns Hopkins de Estados Unidos, pasou este mércores a formar parte da historia da Universidade de Vigo como a cuarta muller e a vixésimo oitava persoa en ser investida por esta institución como doutor ou doutora honoris causa. [+Info.](#)



Unha das performances que formaron parte do programa de anterior edición.

O CONGRESO DE ARTE DE ACCIÓN FUGAS E INTERFERENCIAS INTERNACIONALÍZASE

Eduardo Muñiz DUVI Pontevedra 20/06/2018

Na súa terceira edición, o único congreso académico dedicado á performance en España, [Fugas e Interferencias](#), converterase en internacional. Os días 29 e 30 de novembro e o 1 de decembro, a Casa das Campás e o Centro Galego de Arte Contemporánea (CGAC) serán novamente as sedes dun congreso que combina a reflexión teórica sobre a arte de acción cun programa de performances. Ata o 29 de xuño permanece aberto o prazo de presentación de investigacións ao agora Congreso Internacional de Arte de Acción, que promoven investigadores e investigadoras do grupo PE4 Imaxe e Contextos da Facultade de Belas Artes. [+Info.](#)



As e os participantes proceden dos Balcáns, China, Turquía, Portugal e Italia.

VIGO AMOSA AS SÚAS CAPACIDADES NO ÁMBITO DA INTERNACIONALIZACIÓN A UNIVERSIDADES DOS BALCÁNS

M^a del Carmen Echevarría DUVI 18/06/2018

60 docentes de universidades de Albania, Serbia, Bosnia e Hercegovina e Montenegro coñecerán desde hoxe e ata o vindeiro venres na Semana Formativa Internacional Academia de Excelencia Balcáns-Universidade de Vigo as estratexias de internacionalización e proxectos de cooperación educativa que desenvolve a institución académica viguesa, que dende hai catro anos colabora con varias universidades dos Balcáns, a través de proxectos europeos de mobilidade e de construción de capacidades. [+Info.](#)



REMATA O PRAZO PARA SOLICITAR AS AXUDAS PARA A ORGANIZACIÓN DE ACTIVIDADES CON PERSPECTIVA DE XÉNERO

DUVI 19/06/2018

Este xoves remata o prazo para presentar as solicitudes da [convocatoria para a organización de eventos e actividades con perspectiva de xénero](#). Trátase dunha iniciativa que trata de fomentar entre a comunidade universitaria a celebración de conferencias, xornadas, exposicións ou outro tipo de actividades que teñan como finalidade contribuír á sensibilización en materia de xénero e fomenten a transmisión de valores igualitarios. [+Info.](#)



Inauguración das xornadas no salón de graos da EE de Telecomunicación.

PROFESIONAIS EUROPEOS ACHEGAN A VIGO AS ÚLTIMAS NOVIDADES EN TECNOLOXÍA ACÚSTICA

D. Besadío DUVI 19/06/2018

Profesionais chegados de distintos puntos da xeografía europea (Alemaña, Holanda, Dinamarca, Noruega, Francia...) participan esta semana na Escola de Enxeñaría de Telecomunicación nas [IX Jornadas en Acústica Avanzada para aplicacións Industriais, AcInTic](#), un encontro co que se busca divulgar entre os diferentes sectores empresariais, especialmente aqueles con forte presenza na cidade de Vigo e a súa contorna, as múltiples posibilidades que permiten a aplicación destas novas. [+Info.](#)



O VI Internacional Symposium on Marine Sciences arranca en Vigo..

O VI INTERNATIONAL SYMPOSIUM ON MARINE SCIENCES ARRANCA EN VIGO, CIDADE QUE AGLUTINA O 40% DA INVESTIGACIÓN MARIÑA NACIONAL

DUVI 20/06/2018

O [VI International Symposium on Marine Sciences, ISMS](#), xa abriu as súas portas no Auditorio Mar de Vigo, onde durante tres días arredor de 500 investigadores e investigadoras “reunirán todo o coñecemento científico nacional e internacional dos distintos eidos do mundo mariño”. Así o asegurou Belén Rubio, coordinadora o simposio e vicerreitora de Investigación da Universidade de Vigo, este mércores 20 de xuño durante a inauguración do congreso. [+Info.](#)

10



Imaxe da apertura oficial da xornada na Secretaría General de pesca...

CAMPUS DO MAR PRESENTA EN MADRID O PLAN DE ADAPTACIÓN DA ACUICULTURA ESPAÑOLA AO CAMBIO CLIMÁTICO

D. BESADÍO DUVI 26/06/2018

Redactar un plan de adaptación da acuicultura española ao cambio climático. Este era o principal obxectivo co que hai uns meses se puxo en marcha o [proxecto Aquadapt](#), liderado polo Campus do Mar e financiado pola Fundación Biodiversidad, e grazas ao cal este martes puido presentarse en Madrid un plan de acción, toda unha programación de tarefas que se levarán a cabo ao longo dos vindeiros dous anos e coas que se tratará de diminuír a vulnerabilidade do sector ante os cambios derivados do aumento global da temperatura do aire e dos océanos. [+Info.](#)



Imaxe da apertura oficial da xornada na Secretaría General de pesca...

A UNIVERSIDADE DE VIGO E O INSTITUTO FEDERAL DE PERNAMBUCO COLABORARÁN EN PROXECTOS DE INVESTIGACIÓN E EDUCACIÓN

Mª DEL CAMEN ECHEVARRÍA DUVI 29/06/2018

20.000 estudantes, distribuídos en 16 campus, onde cursan preto de 80 cursos que van do ensino medio/técnico ao posgrao. Estas son as grandes cifras do Instituto Federal de Educação Ciência e Tecnologia de Pernambuco (IFPE), co que a Universidade de Vigo colaborará no desenvolvemento de proxectos de investigación e educación. O reitor, Manuel Reigosa, e a vicerreitora de Extensión do IFPE, Ana Patricia Falcão, asinaron este venres un memorando [+Info.](#)

UNIVERSIDADE DE VIGO

Unidade de Análisis e Programas.

Anexo a xerencia.

Planta Baixa.

36310 Vigo (Pontevedra)

986.818.689 986.818.640